



**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**JAVNA USTANOVA**  
**DIREKCIJA REGIONALNIH CESTA**  
**TUZLANSKOG KANTONA**

Broj: 05-05-118-10/19

Datum: 07.05.2019. godine

**- ODLUKA O PONIŠTENJU POSTUPKA JAVNE NABAVKE -**

Na osnovu člana 69. stav 2. tačka d), člana 70. st. 1, 4. i 6. Zakona o javnim nabavkama BiH („Sl. glasnik BiH“, broj 39/14), na preporuku Komisije za javnu nabavku iznesenu u Zapisniku broj: 05-05-118-9/19 od 06.05.2019. godine, u postupku javne nabavke radova na rekonstrukciji raskrsnice na regionalnoj cesti R-469 „Ribnica-Banovići“ st.km. 1+580, JU Direkcija regionalnih cesta TK donosi

**ODLUKU**  
**o poništenju postupka javne nabavke**

**Član 1.**

Poništava se postupak javne nabavke radova na rekonstrukciji raskrsnice na regionalnoj cesti R-469 „Ribnica-Banovići“ st.km. 1+580 iz razloga što su cijene svih prihvatljivih ponuda znatno veće od osiguranih sredstava za predmetnu nabavku (član 69. stav 2. tačka e) Zakona o javnim nabavkama BiH).

**Član 2.**

Za izvršenje ove odluke zadužuje se i ovlašćuje Finansijski savjetnik za ekonomsko-finansijske odnose.

**Član 3**

Ova odluka objavit će se na web-stranici [www.judctk.ba](http://www.judctk.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 05-05-118/19 od 26.03.2019.

Javna nabavka je provedena otvorenim postupkom.

Procijenjena vrijednost javne nabavke bez PDV-a je 299.145,00 KM.

Obavještenje o nabavci broj: 997-1-3-23-3-23/19 objavljeno je dana 26.03.2019. godine, sažetak obavještenja o nabavci objavljen je u „Sl. glasniku BiH“, broj 24/19.

Komisija za javnu nabavku imenovana je Rješenjem broj: 05-05-118-3/19 od 11.04.2019. godine.

Komisija za javnu nabavku dostavila je dana 06.05.2019. godine Zapisnik o radu broj: 05-05-118-9/19 od 06.05.2019. godine.

U postupku po Zapisniku o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnik, u kojem je utvrđeno sljedeće:

- da je ukupan broj pristiglih ponuda 3;
- da su blagovremeno zaprimljene 3 ponude;
- da nije bilo neblagovremeno zaprimljenih ponuda;

Nakon otvaranja ponuda Komisija je pristupila analizi dostavljenih ponuda. Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

Ponuda ponuđača Rial šped doo Doboj Istok ne ispunjava uslove kvalifikacije propisane tenderskom dokumentacijom u pogledu dokazivanja ekonomskog i finansijskog stanja. Za ocjenu ekonomskog i finansijskog stanja ponuđači su bili obavezni dostaviti: a) Uvjerenje Centralne banke BiH sa spiskom aktivnih bankovnih računa koje dobavljač ima otvorene kod komercijalnih banaka. Potvrda centralne banke **ne smije biti starija od 30 dana od dana podnošenja ponude**. Potvrda Centralne banke koju je dostavio ponuđač Rial šped doo je starija od 30 dana. Zbog toga, ponuda ponuđača Rial šped doo je odbijena kao nepotpuna i ponuđač nije ušao u dalji postupak kvalifikacije.

Ponuđač d.o.o. Izgradnja Teočak nije ispunio uslove kvalifikacije propisane tenderskom dokumentacijom u pogledu dokazivanja Sposobnost za obavljanje profesionalne djelatnosti. Za dokazivanje sposobnosti za obavljanje profesionalne djelatnosti ponuđači su bili obavezni kao dokaz dostaviti aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet nabavke.

Navedeni dokaz sposobnosti obavljanja profesionalne djelatnosti se trebao dostaviti kao original ili kopija originala, **s tim da datum izdavanja originala ne može biti stariji od tri mjeseca računajući od dana dostavljanja ponude**. Aktuelni izvod iz sudskog registra koji je u ponudi dostavio ponuđač Izgradnja doo Teočak je stariji od 3 mjeseca, što je u suprotnosti sa traženim uslovima tenderske dokumentacije. Zbog toga, ponuda ponuđača Izgradnja Teočak doo je odbijena kao nepotpuna i ponuđač nije ušao u dalji postupak kvalifikacije.

Ponuda ponuđača doo MGV Gradnja Zavidovići ispunjava uslove propisane tenderskom dokumentacijom.

Prema kriteriju za izbor ponude, ponude su nakon izvršene evaluacije ponuda, rangirane na slijedeći način:

rang	Naziv ponuđača	Cijena ponude (KM bez PDV-a)	Ukupan broj bodova
1.	d.o.o. MGV GRADNJA Zavidovići	338.577,26	100

U ovom postupku javne nabavke je kvalifikovan jedan ponuđač. Ponuda kvalifikovanog ponuđača prelazi procijenjenu vrijednost nabavke, koja je iznosila 299.145,00 KM. Tenderskom dokumentacijom bilo je predviđeno zakazivanje i održavanje e – aukcije u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 66/16). Međutim, kako je zaprimljena jedna kvalifikovana ponuda, u skladu sa istim pravilnikom, nije moguće zakazati e-aukciju. Uzimajući u vidu navedeno, Komisija je predložila ugovornom organu da donese Odluku o poništenju postupka javne nabavke radova na rekonstrukciji raskrsnice na regionalnoj cesti R-469 „Ribnica-Banovići“ st.km. 1+580, u skladu sa članom 69. stav 2. tačka e) Zakona o javnim nabavkama BiH.

Nadalje, u postupku ocjene provedenog postupka, direktor JU Direkcija regionalnih cesta TK nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Iz navedenih razloga, primjenom člana 69. stav 2. tačka e) Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU**

Protiv ove odluke može se izjaviti žalba najkasnije u roku od 10 (deset) dana od dana prijema ove odluke.

V.D. DIREKTOR:

dr. sc. Amir Jahić, dipl.ing.geol.

#### **Dostaviti:**

- Svim ponuđačima koji su učestvovali u JN
- Evidencija
- Arhiva